

Broj:1-25-16-4-3960-18/17

Datum, 19.02.2018.godine

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09), člana 20. i člana 24. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj 63/10), člana 64. stav (1) tačka b), člana 70. stav. (1), (3) i (6). Zakona o javnim nabavkama („Službeni glasnik BiH“, broj 39/14), člana 8. stav (2) tačka f) Pravilnika o uspostavljanju i radu Komisije za nabavke („Službeni glasnik BiH“ broj 103/14), na preporuku Komisije za javnu nabavku broj: 1-25-16-4-3960-17/17 od 09.02.2018.godine, u postupku nabavke avio karata za potrebe Agencije za pružanje usluga u zračnoj plovidbi BiH, direktor Agencije za pružanje usluga u zračnoj plovidbi BiH, na osnovu zaključka sa 62. sjednice Uprave Agencije održane dana 14.02.2018.godine donosi

ODLUKU

o izboru najpovoljnijeg ponuđača u postupku nabavke avio karata za potrebe Agencija za pružanje usluga u zračnoj plovidbi BiH

Član 1.

Prihvata se preporuka Komisije za javnu nabavku broj: 1-25-16-4-3960-17/17 od 09.02.2018.godine i ugovor za javnu nabavku avio karata za potrebe Agencije za pružanje usluga u zračnoj plovidbi BiH, dodjeljuje se ponuđaču **Turistička Agencija – VIP Travels d.o.o Sarajevo, ulica Zelenih beretki bb / Gazi Husrev begov Bezistan, 71000 Sarajevo**, ponuda broj: 1017-01/2018 od 01.02.2018.godine, za ponuđenu cijenu od **1,71 KM bez PDV-a, odnosno 2,00 KM sa PDV-om**.

Član 2.

Ova odluka objavit će se na web-stranici www.bhansa.gov.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 3.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Na osnovu Odluke o pokretanju postupka za nabavku avio karata za potrebe Agencije za pružanje usluga u zračnoj plovidbi BiH, Odluka broj: 1-11-16-4-3960-2/17 od 05.12.2017. godine, Komisija je pokrenula postupak javne nabave po metodi „otvoreni postupak“.

Obaviještenje o provedbi postupka objavljeno je na portalu javnih nabavki broj: 1250-1-2-9-3-2/18 od 17.01.2018.godine. Sažetak Obavještenja o nabavci objavljen je u („Službenom glasniku BiH“ broj: 4/18) od 19.01.2018.godine.

Do krajnjeg roka za preuzimanje tenderske dokumentacije istu su sa portala javnih nabavki preuzeli sljedeći dobavljači:

1. Ekapija d.o.o
2. V.I.P Travels d.o.o

3. Mrkulić Company d.o.o
4. BBS Europe
5. Globtour Event d.o.o
6. Kompas-Sarajevo d.o.o
7. Ventura Travel Agency d.o.o
8. Relax Tours d.o.o
9. Travel Plan

Na sjednici održanoj dana 01.02.2018.godine u 11.30 sati, Komisija je konstatala da su u predviđenom roku, pristigle zapakirane ponude sljedećih dobavljača:

1. Turistička Agencija Sarajevo – V.I.P Travels d.o.o Sarajevo
2. Travel Plan d.o.o Banja Luka
3. Mrkulić Company d.o.o Sarajevo
4. Globtour Event d.o.o Sarajevo

Komisija je u skladu s odredbama ZJN, pristupila otvaranju ponuda o čemu je sačinjen poseban zapisnik koji je u zakonskom roku dostavljen ponuđačima.

Nakon otvaranja ponuda Komisija je nastavila rad na analizi pristiglih ponuda, te izvršila ocjenjivanje istih prema kriterijima definiranim tenderskom dokumentacijom.

Analizom ponude ponuđača Travel Plan d.o.o Banja Luka, utvrđeno je da ponuda ponuđača nije sačinjena u skladu sa tačkom 8.1.4. tenderske dokumentacije i u skladu sa članom 8. stav 2. Uputstva za pripremu modela tenderske dokumentacije, odnosno ponuda navedenog ponuđača nije dostavljena u u čvrstom uvezu, te da ponuda nije uvezana jamstvenikom ili ukoričena u knjigu.

Iz naprijed navedenog razloga ponuda ponuđača Travel Plan d.o.o Banja Luka nije prihvatljiva.

U daljnjem radu Komisija je konstatovala da je za nabavku avio karata, prvorangirana ponuda odnosno ponuda ponuđača V.I.P Travels d.o.o Sarajevo za više od 50% niža od cijena ostalih prihvatljivih ponuda ponuđača.

Dana 01.02.2018.godine, Komisija je uputila zahtjev za objašnjenje neprirodno niske cijene ponuđaču Turistička Agencija - V.I.P Travels d.o.o Sarajevo.

Ponuđač je dana 05.02.2018.godine dostavio objašnjenje neprirodno niske cijene koje je sastavni dio Zapisnika o pregledu i ocjeni ponuda u skladu sa članom 17. stav (9) Uputstva za pripremu modela tenderske dokumentacije i ponuda.

Komisija je konstatovala da je objašnjenje neprirodno niske cijene ponuđača V.I.P Travels d.o.o Sarajevo osnovano.

Obzirom da je Obavještenjem o nabavci i tenderskom dokumentacijom bila predviđena e-aukcija, ista je zakazana i održana dana 08.02.2018.godine u 9.00 sati.

Nakon završene e-aukcije i preuzetog Izvještaja o toku i završetku e-aukcije, Komisija je utvrdila **rang-listu ponuđača** i to kako slijedi:

Naziv / ime ponuđača	Ponuđena cijena (bez PDV-a)
V.I.P Travels d.o.o Sarajevo	1,71 KM
Mrkulić Company d.o.o Sarajevo	14,96 KM
Globtour Event d.o.o Sarajevo	15,00 KM

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene.

Ugovor za javnu nabavku avio karata za potrebe Agencije za pružanje usluga u zračnoj plovidbi BiH se dodjeljuje ponuđaču, **Turistička Agencija – VIP Travels d.o.o Sarajevo, ulica Zelenih beretki bb, Gazi - Husrev begov Bezistan 71000 Sarajevo**, za ponuđenu cijenu od **1,71 KM bez PDV-a, odnosno 2,00 KM sa PDV-om.**

Iz navedenih razloga, primjenom člana 64. stav 1. tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.



Dostaviti:

Ponuđačima

Web stranica BHANSA-e

a/a